

桃源縣志

明倫彙編
家範典
卷一百一十五
家範典
卷一百一十五

七言古詩

漢

丹訣

鄒人黃敬伯跋

敬少讀書仕州爲郡從事後學道於霍山八十餘年復入中嶽服氣吞吐胎息內視至二百歲道士王紫陽往見之固求要言敬告之云云

見楚寶

太闢之中有輔星想而見之翕習成赤童在焉指朱庭指而搖之煉身形消遣三尸除死名番能守之可長生失之不久淪幽冥

唐

桃源行

尚書右丞河中人王維摩詰

漁舟逐水愛山春兩岸桃花夾古津坐看紅樹不知遠行盡青溪忽見人山口潛行始隈隩山開曠望旋平陸遙看一處攢雲樹近

北原系

卷一五

藝文志

詩上

七古一

人千家散花竹樵客初傳漢姓名居人未改秦衣服居人共住武陵源還從物外起田園月明松下房櫺靜日出雲中雞犬喧驚聞俗客爭來集競引還家問都邑平明閭巷掃花開薄暮漁樵乘水入初因避地去人間及至神仙去不還峽裏誰知有人事世中遙望空雲山不疑靈境難聞見塵心未盡思鄉縣出洞無論隔山水辭家終擬長游衍自謂經過舊不迷安知峯壑今來變當時只計入山深清溪幾曲到雲林春來遍是桃花水不辨仙源何處尋

桃源行

祕書郎江甯人王昌齡少伯

武陵川徑入幽遐中有雞犬秦人家家傍流水多桃花桃花兩邊種來久流水一道何時有垂條落蕊暗春風夾岸芳菲至山口歲年年能寂寥林下青苔日爲厚時有仙鳥來啣花曾無世人此攜手可憐不知若爲名君任縱之多所更古驛荒橋平路盡崩端

怪石小溪行相見維舟登覽處紅隄
隱令人晚節悔營營

送人遊桃源洞

鄂岳觀察使軍城人劉長卿 文房

常愛武陵郡送君將遠尋空隣世界
孤負桃源心洛陽遙想桃
源隔野水閒流春自碧花下常迷楚
客船洞中時見秦人宅落日
相尋斗酒前送君南望但依然河梁
馬首隨春草江路猿聲愁暮
天丈人別乘佐分憂才子趨庭兼勝
游澧浦荊州行可見知君清
興滿滄洲

桃源圖

吏部侍郎昌黎人韓愈 退之

神仙有無何渺茫桃源之說誠荒唐
流水盤迴山百轉生綃數幅
畫中堂武陵太守好事者題封遠寄
南宮下南宮先生忻得之波
瀾入筆驅文辭文工書妙各臻極異
境恍惚疑於斯架巖鑿谷開

宮室接屋連牆千萬日窺顛劉蹶了不聞地拆天分非所恤種桃
處處惟開花川原遠近蒸紅霞初來猶自記鄉縣歲久此地還成
家漁舟之子來何所物色相猜更問語大蛇中斷喪前王羣馬南
渡開新主聽終辭絕共淒然自說經今六百年當時萬事皆眼見
不知幾許猶流傳爭持酒食來相饋禮數不同樽俎異月明伴宿
玉堂空骨冷魂清無夢寐夜半金鷄啁哳鳴火輪飛出客心驚人
間有累不可住依然離別難爲情船開棹進一回顧萬里蒼波烟
水暮世俗寧知僞與真至今傳者武陵人

桃源篇

南西道節度使署陽人權德輿載之

小年嘗讀桃源記忽覩良工施繪事巖徑初欣綠繞通溪風轉覺
芬芳異一路仙雲雜彩霞漁舟遠近逐桃花漸入空濛迷鳥道寧
知掩映有人家龐眉秀骨爭迎客鑿井耕田人世隔不知漢代有

衣冠猶說秦人變，阡陌石髓雲英甘。且看仙翁舊飯，出青囊相逢。自是松喬侶，良會應殊劉阮。郎內子，閑吟倚瑤瑟，玩此沉沉銷永日。忽開麗曲，玉金聲，便使老夫思閣筆。

兵後西日溪行

並序

天甯僧
吳人 僧皎然

沈羲仙記銅峴地，肺可以逃水。又聖桃源記，天地改花源在卽此地也。此章雲澈上人可以志之。

一從清氣上爲天仙叟，何年見乾海黃河。幾度濁復清，此水如今未曾改。西尋仙人渚，誤入桃花穴。風吹花片，使我迷時，時間山驚踏雪。石梁丹竈意更奇。石梁丹竈銅峴仙
人渚靈跡有四所春草不生多故轍，我來隱道非隱身。如今世上無風塵，路是武陵路人非秦代人。飯松得高侶，濯足偶清津。數片昔賢盤，石在幾回並坐戴綸中。

宋

桃源行

右承務郎胡宏仁仲
崇安人

北歸已過沅湘渡騎馬東風武陵路山花無限不關心惟愛桃花
古來樹聞說桃花更有源居人共得仙家趣之子漁舟安在哉我
欲乘之望源去江頭相逢老漁父煙水茫茫雲日暮投竿拱手向
我言桃源言說非真傳當時漁子魚得錢買酒醉臥桃花邊桃花
風吹入夢裏自與人世相周旋靖節先生絕世人奈何記偽不考
真先生高步竊末代雅志不肯爲秦民故作斯文寫幽意要似寰
海離風塵不然山原遠近桃花開宜有一片隨水從東來嗚呼神
明通入極豈特秘示桃源哉我聞是言發深省勒馬卻辭漁父同
及晨遍覽三春色莫使風雨空莓苔

桃源行

宰相贈王安石介甫
川人

望夷宮中鹿爲馬秦人半死長城下避世不獨商山翁亦有桃源

種桃者一來種桃不計春採花食實枝爲薪矣孫生長與世隔知有父子無君臣涵郎放舟迷遠近花間忽見驚相問世上空知古有秦山中豈料今爲晉聞道長安吹戰塵臨風回首亦沾襟重華一去不復得天下紛紛經幾秦

桃花源詩

并序

宣城梅堯臣聖俞

嘉祐元年末在京師邂逅與都官員外郎張侯顥遇於書館張語往會相識於唐俞家今三十三年矣因各言出處張曰某居武陵武陵舊跡可具道始陶潛爲記與詩其後往往賦詠不絕君之仲父昔嘗有作聞君能詩願賦一章亦當買石刻置巖下既重其意許錄幼時所爲五言歸閱故稿頗不愜心遂別爲一章以塞張侯之請

鹿爲馬龍爲蛇鳳凰避羅龍避宜天下逃難不知數入海居巖皆

起家武陵源中深隱入共將雞犬栽桃花桃花記春不記歲金椎
日將博浪沙亦殊商嶺採芝草難與少長親胡麻豈意異時漁者
入各各同問人間賒秦已非秦孰爲漢奚論晉魏如削瓜英雄滅
盡有石闕知慧屏去無年華俗骨思歸一相送慎勿與世言雲霞
出洞沿溪夢寐覺物景都失同迴槎心寄草樹欲復往山幽草亂
尋無涯

桃花源詩次韻奉酬梅學士堯臣

都官員外郎
郢邑人張

翺
伯卿

聖賢道如龍蛇驅逐空施展與冒往者羸秦燔坑毒天下騷擾無
常家吾宗子房周韓傑鐵椎擊車眼不花同時志士悲大索紛紛
通竄混塵沙武陵溪上桃花源谿谿胡萑鬱棗麻桑義逃君臣攜妻
子遞入不知歲年賒東海曾嗤安期棗長安不齒邵平瓜自從淵
明記漁父六百奇縱洩精華我具崖畧爲君道京邸爛然生烟霞

劍幽鑿險發高詠寶石攫自銀河槎他日洞中憶洞外惆悵風臨
各天涯

均堂寓客仙人邑里集注是詩向無傳本光緒辛巳三月某日
有漁人得碑於纜船洲江岸崩處質酒鄰舍予道桃洞憩其家
見制厚三寸許長六尺有奇寬半之書凡七行每行楷書徑寸
字二十四最勁秀但初一角首行缺八字二行七字以次上殺
至七行止後二行款署桃花源詩次韻奉酬梅學士堯臣皇宋
嘉祐丁酉仲春邑人伯印張顒予乃稔爲古物索筆摩之於紙
並許購碑而去越數日買舟往載其人已剗字爲瑩碣矣嗟乎
以先達數百年不傳之作幸寓於目而卒不可得毋亦有數存
其間耶迺退補亡詞補訖感和用贖疏畧之愆今採錄是詩並
詳本末於此

桃源行

翰林學士汪
德興人

卷之五

祖龍門外神傳璧方士猶言仙可得東行一去羨門親咫尺蓬萊
滄海隔那知平地有青春先歸尋常避世人關中日月空萬里花
下引長一身中原到後無消息聞說烟塵因感惜誰教晉鼎判
東西卻嫌秦城隔南北人間萬事愈可憐此地當時亦偶然何似
區區漢天子種桃辛苦望長年

桃源圖

龍圖閣學
士樂清人王十朋
龜齡

宿雲初放青山淨落紅繽紛溪水急桃花源裏得春多洞口青烟
搖綠蘿_{綠蘿}掛絕壁飛流直下三千尺瑤草離離滿澗阿長松落
落凌空壁鷄鳴犬吠自成村居人至老不相識瀛洲仙客知仙路
點染丹青寄輕素何處有山如此圖移家欲向山中住

和桃源圖詩

并序

王十朋

世有圖畫桃源者皆以爲仙也故退之桃源圖詩詆其爲妄及
觀淵明所作桃花源記乃謂先世避秦至此則知漁人所遇乃
其子孫非始入山者真能長生不死與劉阮天台之事異焉東
坡和陶詩嘗序而辨之矣故余按陶記以和韓詩聊正世俗之
謬云

嬴秦斬新開混茫傲視前古無虞唐詩書爲灰儒鬼哭李斯秉筆
中國堂長城丁盡無還者送人更至驪山下避世高人何所之出
門永與鄰家辭入山惟恐不深遠豈是得已巢於斯來時六合爲
秦室未審今爲何歲日吏不到門租不輸子長丁添更何卹春入
山中桃自花招邀隱侶傾流霞男耕女織自婚嫁派別支分都已
家誰泛漁舟迷處所山門洞闢聞人語乍相驚問宰相歡設酒烹
雞講賓主可憐秦事已變遷帝業初期萬萬年猶道祖龍常在世

豈知異世早三傳隣里慙慙爭餉饋人情與世無相異未信壺中
自有天卻訝身游如夢寐山花亂眼鳥哀鳴數日畱連喜復驚更
從洞口尋鄉路逢人欲話疑非情異日扁舟欲重顧山眩水迷紅
日暮後來圖畫了非眞作記淵明乃晉人

元

桃源行題趙仲穆畫

河北廉薩都刺直齋訪經歷

長城遠築阿房起黔首驅除若螻蟻誰知別有小乾坤藏在桃花
白雲裏桃花重重間白雲洞門鎖住千年春男耕女織作生業版
籍不是秦家民桑麻雞犬村村屋流水門牆映花竹無端漁父綠
蓑衣帶得黃塵入幽谷主人迎客坐茅堂共話山中日月長但見
花開又花落豈知世上誰與亡明朝漁父歸城市回首雲中若干
里再來何處覓仙蹤恨滿桃花一溪水

桃源行

六王埽地阿房起桃源與秦分一水
負天子天家正朔不得知手種桃
無君長人熙熙漁舟載入人間世
秦強不信而今解亡國畫圖曾說
於今又千載不聞再有漁人迷

桃源春曉圖

翰林學士承旨吳興人 趙孟頫 子昂

宿雲初散青山溼落紅繽紛溪水急
搖落蘿淥蘿搖煙挂絕壁飛流直下三千尺
松落落凌空碧雞鳴犬吠自成邨居人至老不相識
仙路點染丹青寄輕素何處有山如此圖移家欲向山中住

此詩舊作

王十朋作而新府志作趙孟頫今並存以俟考

明

宿桃溪方翁家贈別

東阿王 傅孟陽

清溪一帶緣桃花春來水上流胡麻東風尋源泛瑤草雲中遠見
山人家於茲水木相含景裊裊松杉亂天影少焉林壑眾籟鳴出
鳥飛來片雲冷二三老人住東陂薜衣霜雪垂兩眉自言入山歲
已久不知人世今何時傳聞有客驚還喜共薦清泉飯松子烟林
霧篠不逢人碧草苔花應滿地問予何事在塵間那似山中日月
閒澗戶聊同魚鳥醉石牀常伴雲霞眠乍逢靈境真堪悅區緣未
謝還成別別後重來定幾時夢繞溪邊綠蘿月

遊桃源洞

李載陽

春山濛濛千萬疊春樹霏霏煙靄結一澗長浮碧玉波桃花兩岸
飛紅雪十年夢想來桃源今見松蘿遠近村不遇當時避秦客白

雲猶自護柴門蘭橈盪入空波裏仙家展畫羣峯起漢業秦基煙
水中悠悠惟有清溪水

涿蘿山

給事中江西布政使邑人李徵誠之號源望

我聞仙源之峯皆可計尋丈涿蘿直在諸峯上倒臨潭水摩蒼旻
秋空雙削芙蓉嶂流丹結翠一萬古雲濤雪瀑那能狀涿蘿仙人
歸幾時釣竿百尺潭之湄手召黃鶴歌白石天邊明月來何遲巖
巔往往風雷急潛蛟起舞山鬼泣漁郎漁郎莫漫入從來福地神
所秘

贈王百谷

贈楚風補作壽

四川提學僉事邑人江盈科進之號涿蘿

王君崛起東南區手握徑寸驪龍珠光華燭天耀日月人寰快覩

爭權趨少年仗劍遊燕邸片語落筆傾京都上二句楚風補一遇

憐才袁相國便許作賦爲大夫龍性矯矯不受繫飄然拂袂還句